

Nonnulla ta-  
men Virida-  
ria, Hortosq;  
ab huiusmodi  
solutione ex-  
mit.

Ad statuta  
solutiones Soc.  
compelli pos-  
se declar.

Clausulae ap-  
ponit.

colendis huiusmodi, & aliis supra deductis, nova controversia deinceps oriatur, declaramus, & pariter statuimus, ac ordinamus, quod, ratione eorum Prædiorum, Possessionum, Terrarum, & Bonorum, quæ emptionis titulo acquirunt, aut quæ titulo locationis ab aliis condixerint, ipsi colent, aut coli faciant, non vigesimam, sed integram Decimam iis Ecclesiis, quibus, & prout antequam ipsi Religiosi illa tenerent, debebatur, pariter solvere teneantur, & obligati existant.

§.9. Ab huiusmodi autem vigesima, seu Decima solutione, Hortos, seu Viridaria, quæ apud eorum Domos, seu Collegia intra Civitates, & Oppida habuerint, nec non etiam unum tantum Prædium in agro pro unaquaque Domo, seu Collegio, quod tamen muris circumdatum sit, & quatuor Fanegarum illarum partium mensuram non excedat, exempta esse volumus, & ordinamus.

§.10. Decernentes ipsos Societatis Jesu Religiosos ad medietatem Decimæ, seu vigesima, & integræ Decimæ huiusmodi respective solutionem faciendam de cætero tamen teneri, & ad id censuris, & penis Ecclesiasticis, aliisque opportunis juris, & facti remediis æque, ac non exemptos cogi, & compelli posse, neque ab huiusmodi medietate Decimæ seu vigesima, vel integræ Decimæ solutione, prædiorum Pauli, Pii, & Gregorii, aut aliorum Pontificum Prædecessorum literarum, aut alio quovis prætextu, causa, vel occasione resiliere, vel deficere ullatenus posse; ipsos vero Archiepiscopos, Episcopos, ac Præsules, & Capitula, & Rectores Ecclesiarum prædiorum, & alias personas Ecclesiasticas, quibus huiusmodi medietate, & integræ Decimæ respective debebuntur, earum solutione, prout a Nobis, ut præfertur, statutum est, contentos esse debere.

§.11. Præsentes quoque literas ex eo, quod partes ipsæ præmissis non consenserint, aut alio quovis prætextu, de subreptionis, vel obreptionis, aut nullitatis vitio, seu intentionis nostræ, vel alio quocumque defectu notari, impugnari, redargui, aut infringi, suspendi, limitari, retractari, revocari, aut in jus, vel controversiam vocari, seu ad terminos juris reduci, aut adversus illas quocumque gratiæ, vel iustitiæ remedium impetrari nullatenus posse, sed semper, ac perpetuo validas, & efficaces existere, ac fore, ac illis omnibus, & singulis, quos concernunt, plenissime suffragari, ac ab illis respective observari debere: Sicque, & non aliter per quoscumque Iudices Ordinarios, & Delegatos etiam Causarum Palatii Apostolici Auditores, ac S. R. E. Cardinales etiam de latere Legatos, ac Sedis Apostolicæ Nuncios, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere, ac irritum, & inane, quicquid secus super his a quoquam quavis auctoritate, scienter, vel ignoranter contigerit attentari.

§.12. Quocirca Venerabili Fratri Archiepiscopo Toletano, ac dilectis filiis Causarum Curia Camera Apostolicæ Generali Auditori, ac Nostro, & Apostolicæ Sedis in Regnis Hispaniarum Nuncio per præsentem committimus, & mandamus, quatenus ipsi, vel duo, aut unus eorum per se, vel alium, seu alios, præsentem literas, & in eis contenta quæcumque, ubi, & quando opus fuerit, ac quoties pro parte tam Societatis, quam Capitulorum, & aliorum prædictorum, seu alicujus eorum fuerint requisiti, solemniter publicantes, illique in præmissis efficacis defensionis præsidio assistentes, faciant auctoritate nostra illos, & eorum singulos eorundem præmissorum effectu pacifice frui, & gaudere, non permittentes illos, aut aliquos eorum desuper a quoquam quavis auctoritate, quomodolibet indebitè molestari: Contradictores quoscumque, ac præmissis non parentes, eisque auxilium, consilium, vel favorem publice, vel occulte, directe, seu indirecte quomodolibet præstantes, per censuras, & penas Ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii secularis.

§.13. Non obstantibus prædictis Pauli, Pii, Gregorii, & aliorum Pontificum Prædecessorum literis, ac similis mem. Bonifacii Papæ VIII. etiam Prædecessoris nostri de una, & in Concilio Generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Apostolicis, ac in universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, ac Regulis Cancellariæ nostræ, & præsertim de iure quæsito non tollendo, necnon tam ipsius Societatis, quam quarumcumque Ecclesiarum Metropolitanarum, Cathedralium, Collegiarum, Parochialium, & aliarum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, eorumque Superioribus, & personis in genere, vel in specie, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis etiam in forma Brevis tam per Nos, quam quovis Prædecessores nostros, ac etiam dictæ Sedis Legatos, etiam ad quorumvis Imperatorum, Regum, Ducum instantiam, aut etiam motu proprio, & ex certa scientia, ac de Apostolica potestatis plenitudine, aut etiam consistorialiter, etiam per viam generalis legis, & statuti perpetui quomodolibet concessis, ac etiam iteratis vicibus approbatis, & innovatis, etiam Mari Magno, Bulla aurea, aut alias nuncupatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, non autem per

Executores designat.

Obstantibus derogat.

clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda esset, tenores huiusmodi, ac si de verbo ad verbum infererentur, præsentibus pro sufficienter expressis habentes, illis alias in suo robore permanens, hac vice dumtaxat specialiter, & expresse derogamus, contrariis quibuscumque.

Seu si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint, per literas Apostolicas, non facientes plenam, & expressam, ac de verbo ad verbum de indulto huiusmodi mentionem.

Transumptis fidem vult adhiberi.

Dat. die 23. Aprilis 1605. Ana.

§.14. Volumus autem, ut præsentium transumptis etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si forent exhibitæ, vel ostensæ.

Datum Romæ apud Sanctum Marcum sub Annulo Piscatoris die 23. Aprilis 1605 Pont. nostri Anno I.

PAULUS QUINTUS

P A P A C C X X X V.

A N. C H. M D C V.



Uodevicesimo post Leonis XI. mortem die electus est in summum Pontificem Camillus Sanctæ Romanæ Ecclesiæ Tituli Sancti Chrysogoni Presbyter Cardinalis Burghesius, Bull. Rom. Tom. V. Par. III.

qui Paulus V. voluit appellari. Sacra redimitus Thiara die 28. Maii sedit Ann. XV. Menses VIII. dies XIII. temporibus Rodulphi II. Imperatoris. Vita functus die 28. Januarii an. 1621. sepultus est ad Sanctum Petrum. Corpus postea translatum fuit ad Basilicam Liberianam, conditumque in Sacello, quod vivens crexerat. Vacavit Sedes dies XI.

I.

Literæ in forma Provisionis Nostræ, quibus confirmantur alia similes Clem. VIII. super facultate Metropolitanæ Ruthenorum concessa instituendi, & consecrandi Episcopos sua Nationis.

Ex Regest. in Secret. Brevi.

Facultas Metropolitanæ Ruthenorum concessa legitur in Volumine præcedenti pag. 94. & Brevis initium est: Decet.

PAULUS EPISCOPUS

SERVUS SERVORUM DEI

Ad futuram rei memoriam.

Provisionis nostræ debet provenire subsidio, ut jus suum cuilibet conservetur.

Exordium.

§.1. Hinc est, quod Nos tenorem quarundam literarum fel. rec. Clem. Papæ Octavi Prædecessoris nostri in registro ipsius Prædecessoris repertum, pro eo, quod sicut exhibita nobis nuper pro parte Venerabilis Fratris nostri Josephi moderni Archiepiscopi Metropolitanæ Kiovien., & Hallicien., ac totius Rullie petitio continebat, ipse harum tenore, & ex certis causis, sicut asserit, indiget de registro ipso de verbo ad verbum transcribi, & ad ipsius Josephi Archiepiscopi Nobis propterea supplicantis instantiam, præsentibus annotari fecimus qui est talis: Clemens Episcopus, Servus Servorum Dei, ad perpetuam rei memoriam. Decet &c. Cetera omittuntur; legere enim est loco cit. in Rubrica.

Joseph Metro-  
polita transcri-  
bi, confirmari-  
que Clemens  
tis literas præ-  
cit.

§.2. Ceterum, ut earundem literarum tenor prædictus sic insertus omnimodam rei, ac facti certitudinem faciat, auctoritate Apostolica, decernimus, ut illud idem robur, eandemque vim, & eundem vigorem dictus tenor in omnibus, & per omnia habeat, quæ haberent literæ originales supradictæ, & eadem prorsus ipsi tenori fides adhibeatur quocumque, & ubicumque, sive in iudicio, sive alibi, ubi fuerit exhibitus, & ostensus, & eidem tenori stetur firmiter in omnibus, & per omnia, sicut eisdem literis originalibus staretur, si forent exhibitæ, vel ostensæ. Per hoc autem nullum jus de novo cuiquam acquiri volumus, sed antiquum tantummodo conservari.

Literis sic  
exemplatis  
credi jubet  
Paulus.

§.3. Nulli ergo omnino hominum liceat

Clausula: ceat

Dat. die 29.  
Maii 1605.  
An.I.

ceat hanc paginam nostri decreti, & voluntatis infringere, vel ei ausu temerario contraire: Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum eius, se noverit incursum.  
Datum Romae apud Sanctum Petrum, Anno Incarnationis Dominicae 1605. quarto Kalendas Junii, Pont. nostri Anno I.

I I.

Ex Regest. in Secret. Breve.

Sub poena excommunicationis latae sententiae cavetur, quominus Rectores Parochialium Ecclesiarum Indiarum Occidentalium, imposterum majorem eleemosynam ab iis, qui in Ecclesiis Ordinis Eremitarum Sancti Augustini, quam in Parochialibus hujusmodi sepeliuntur, exigant.

PAULUS PAPA V.

Ad futuram vel memoriam.

In vestis abusu exigendi duplo plus ab iis, qui sepeliuntur in Ecclesiis FF. Eremitarum S. Anguliani.

§.1. **E**xpositum Nobis nuper fuit pro parte dilectorum filiorum Gasparis de Chaves Procuratoris, necnon Provincialium totius Ordinis Fratrum Eremitarum Sancti Augustini Indiarum Occidentalium, quod Rectores Parochialium Ecclesiarum Indiarum praedictarum jam pridem hunc abusum introduxerunt, videlicet, quod eleemosynas duplo majores ab iis, qui in Ecclesiis Domorum ejusdem Ordinis Eremitarum Sancti Augustini, quam qui in Parochialibus hujusmodi sepeliuntur, exigere praesumpserunt, & ut dicitur, in hoc Ordinariorum suorum, qui partem eleemosynarum hujusmodi percipiunt, consilio, & assensu nituntur.

Peritur a Pontificio reime.

§.2. Cum autem, sicut eadem expositio subjungebat, plerique Christiani fideles in dictarum Domorum Ecclesiis ob difficultatem jus adeo onerosum persolvendi sepeliri se facere non possint, quo fit, ut Ecclesiae hujusmodi mortuorum sepulturis, & consequenter eleemosynis in dies fieri consuevis propemodum priventur. Idcirco pro parte eorumdem Gasparis Procuratoris, & Provincialium Nobis humiliter supplicatum fuit, ut in praemissis opportune providere de benignitate Apostolica dignaremur.

Pontifex eleemosynam majorem ab his, qui sepeluntur in Ecclesiis hujus Ordinis exigi vetat sub poena excommunicationis: Romano Pontifici reservata.

§.3. Nos igitur hujusmodi abusus omnino tollere, ac dicti Ordinis commoditatibus, & propagationi, quantum cum Domino possumus, prospicere cupientes, hujusmodi supplicationibus inclinati, ex voto Venerabilium Fratrum nostrorum S. R. E. Cardinalium super Consultationibus, & negotiis Episcoporum, & Regularium deputatorum, omnibus, & singulis Parochialium Ecclesiarum univrsarum Indiarum Occidentalium Rectoribus nunc, & pro tempore existentibus, harum serie interdiximus, & prohibemus, necnon sub excommunicationis majoris latae sententiae poena, a qua non nisi a Nobis, seu Roman. Ponti-

fice pro tempore existentibus, praeterquam in mortis articulo absolvi possint, ex nunc deinceps perpetuis futuris temporibus majorem eleemosynam ab iis, qui in Domorum praedictarum, quam in Parochialibus Ecclesiis hujusmodi sepeliuntur, quovis praetextu, aut occasione etiam de consilio, consensu, seu mandato suorum Ordinariorum exigere debeant, seu praesumant.

Derogat contrariis.

§.4. Non obstantibus praemissis, ac Constitutionibus, & Ordinationibus Apostolicis, ac Ecclesiarum, Domorum, & Ordinis hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Ecclesiis, Domibus, & Ordini, earumque Rectoribus, Superioribus, & Fratribus, ac quibusvis aliis personis in contrarium praemissorum quomodolibet concessis, confirmatis, & approbatis. Quibus omnibus, & singulis eorum tenores praesentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

Transumptis credi jubet.

§.5. Volumus autem, ut praesentium transumptis etiam impressis manu Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides adhibeatur, quae ipsis praesentibus adhiberetur, si forent exhibitae, vel ostensa.

Dat. die 6. Junii 1605. An.I.

Datum Romae apud Sanctum Petrum sub Annulo Piscatoris die 6. Junii 1605. Pont. nostri Anno I.

I I I.

Jubilaei Indictio, ad divinam opem, pro salutari Ecclesiae Catholicae regimine, ejusque necessitatibus implorandam.

PAULUS EPISCOPUS  
SERVUS SERVORUM DEI.

Universis Christianis fidelibus, ad quos praesentes litterae pervenerint, Salutem, & Apostolicam benedictionem.

Exordium.

**Q**uod in omni vita summis votis a totius bonitatis auctore Deo semper optavimus, ut universae cogitationes, & actiones nostrae a singulari ejus benignitate profectae in viam aeterni beneplaciti sui dirigerentur, & non ad alienius privati, vel temporalis boni commoditatem, sed ad communis, & aeternae beatitudinis felicitatem divina favente gratia perducerentur, id hoc tempore, quo immensa illius largitas, cuius voluntas potentia, cuius opus misericordia est, nos nihil hujusmodi cogitantes in hoc supremo dignitatis Apostolicae gradu nullis nostris meritis, sed sola misericordiae sua, & admirabili providentia collocavit, suppliciter ab eo postulandum duximus, ut in difficillimo munere obeundo, virium nostrarum imbecillitatem, auxilii sui virtute sustentare, ac tueri velit.

Cum

Causa indizendi Jubileum.

§.1. Cum enim in ea curarum mole, in qua versamur, tum ob rerum quae nos circumdant, multitudinem, tum ob negotiorum quibus urgemur, difficultatem, plane cognitum non habeamus, quo gradiamur, & unde initium sumamus, aut quid agere debeamus; id nobis consilii superest, atque hoc solum habemus residui, ut oculos nostros ad eum dirigamus, qui tunc maxime cum opus est, summis in difficultatibus super domum David, hoc est super Nos, & ceteros Ecclesiarum moderatores, ac super habitatores Hierusalem, videlicet super fideles, ac subditos populos non solum orationis, & precum dona, quibus petita impetrentur, placabilis, & benignus effundit, sed caelestis etiam gratiae suae spiritum, ac virtutem elargitur, qua nos Catholicam Ecclesiam ceterarum Matrem, & Magistram, sancte, & feliciter regere, & qui in partem sollicitudinis nobiscum vocati sunt, ceteras quoque Ecclesias bene administrare, ac tandem desiderata bona consequi, & recte omnia perficere valeamus. Magna est enim vis concordis, & perseverantis orationis, praesertim cum & ii, qui ceteris praesunt, igne perfecta caritatis incensi, apud Deum pro populo intercedunt, & qui superioris imperio parent, unanimes in spiritu humilitatis, & animo contrito pro suo Duce, ac Rectore deprecantur, nihilque adeo est, quod fideles (si convertantur ad Deum in corde perfecto, & proferant preces suas in conspectu ejus) communibus votis tandem non obtineant, & jam impetratum diutius non conservent. Sic olim Deus Salomoni in ipso regni sui exordio sapientiam per orationem postulanti ad discernendum iudicium, dedit cor sapiens, & intelligens. Sic Beatum Petrum Apostolorum Principem, & Christi in terris Vicarium oratio, quae ab Ecclesia sine intermissione pro eo fiebat, eripuit de manu Herodis, & de omni expectatione plebis Judaeorum: & Christus Dominus dum cum hominibus conversaretur, Apostolis suis dixit: *quicquid petieritis patrem in nomine meo, dabit vobis: Et, si duo ex vobis consenserint super terram, de omni re, quamcumque petierint, fiet illis a Patre meo, qui in caelis est.* Inre igitur optimo nos, qui nihil aliud in administratione universalis Ecclesiae nuper nobis commissa spectare debemus, quam ipsius Ecclesiae Catholicae salutem, Christianorum Principum pacem, totiusque orbis Christiani tranquillitatem, ut in hoc onere arduo, atque gravissimo sustinendo, iis, quae cupimus, & quibus maxime indigemus, praesidiis a Deo, qui postulantis a se sapientiam dat omnibus affluenter, ut confidimus, adjuvemur, hoc nostri Pontificatus initio pium, & laudabilem nonnullorum Romanorum Pontificum Praedecessorum nostrorum morem hac in re sequuti, ad communem totius populi Christiani deprecationem, indicis ea de causa per Catholicum Orbem supplicationibus, & salutaribus indulgentiis promulgatis, primo quoque tempore confugiendum esse decrevimus. Hec

enim una est, & communis illa Populi Christiani oratio, quae concordibus omnium fidelium voluntatibus, per verae poenitentiae remedium cum jejuniis, & eleemosyna conjunctum, in primis hominum mentes a vitiis purgat, tum sublevat ad caelestia, & ad salutem, ac vitam aeternam dirigit, desiderata deinde dona ex Deo bonorum omnium fonte deducit, ipsos denique homines ad illa consequenda capaces, & dignos efficit. Quanquam nos ad hanc deliberationem ineundam non ideo solum adducimur, quod Ecclesiae gubernaculis manum admoturi praecipuo quodam divini numinis auxilio praemuniri cupiamus, sed quod existimemus hoc tempore idipsum ad communem Dominici gregis incolunitatem pertinere, quodque Catholicae Ecclesiae, & Christianae Reipublicae in difficultatibus constitutae admodum salutare, atque opportunum fore iudicemus. Immanissimus enim Turcarum Tyrannus perpetuus Christiani nominis hostis, insana illa dominandi libidine, qua orbis imperium temere jam sibi despondit, excacatus, ac summo Christianae religionis odio incensus, innumeras clades non modo finitimis populis erumpendo, sed remotis quoque gentibus omnia invadendo jamdiu attulit: superioribus vero annis saevo, diuturnoque bello in Hungariam excitato, licet aliquot ibi egregias Civitates, & loca insignia, quae occupaverat, quaeque postea ex illius manibus erepta, & recuperata fuerunt, amiserit, pleraque tamen, tum in ipsa Hungaria, tum in locis illi contiguis nobilissimas ditiones, & munificentissimas arcas in suam potestatem redegit: novissime autem hoc anno (quod sine gravi dolore commemorare non possumus) perdit etiam, ac prostrati homines, carissimi nimirum in Christo filii nostri Rodulphi Romanorum Regis Illustris in Imperatorem electi in eadem Hungaria rebelles ipsis Turcis per exitiale scelus adjuncti, & per summam impietatem suis intestinis tumultibus, ac seditionibus confirmatis, atque auctis, humana, divinaque cuncta perturbant, & adhibitis simul armis, omnibus ipsis Rodulphi dominis nefariam direptionem, & vastitatem minantur. Quae quidem mala cum non tam armis, quam assiduis apud Deum precibus propulsari debeant, quod ab ipsis ira in homines propter illorum peccata, & iniquitates contra provenerint; hac ipsa de causa ad communem quoque totius Christiani populi obsecrationem recurrendum esse censuimus, cuius tanta ad inimicorum impetus propulsandos virtus, & efficacia est, ut illorum fortissimos exercitus, qui alioquin armis expugnari non possent, ipsa facile dissipet, atque prostrat. Quod non obscure divina sacrae scripturae eloquia nos docent, dum fideles populos, qui adversus hostes praelianturi ad Deum per assiduum orationem, & poenitentiam confugiunt, illiusque nomen invocant, & misericordiam implorant, non tam ferro, quam lingua, & labiis pugnare, & arma in verbis, ac precibus habere te-

Bull. Rom. Tom. V. Par. III.

S. 2.

stan-

stantur. Quod, ut quamprimum Rodulpho, ejusque piis ac fidelibus subditis, & militariis copiis eveniat, ipsi vehementer cupimus, & a Deo nuncupatis votis optamus. Id autem ab ipso misericordiarum, Patre, & Deo totius consolationis facile nos impetraturos confidimus: sicut enim supremam illius majestatem homines, ubi eam offenderint, tunc maxime propter ejus potentiam timere debent, ita semper iis, qui per poenitentiam respicerint, ejusque gratiam, & auxilium pie, ac devote postulaverint, optime de summa illius benignitate sperandum est: secundum enim magnitudinem ipsius, sic & misericordia illius cum ipso est.

Forma consuevendi Jubilei.

§.2. Cum igitur ceteras Civitates, Terras, & loca ubique existentia exemplo Almae Urbis nostrae ad salutem hanc, & unanimem orationem permovere cupimus, ab eadem Urbe initium sumentes, solemnes processiones ad eisdem Urbis Basilicas, Principis nimirum Apostolorum in Vaticano, necnon B. Mariae Majoris proxima hebdomada, quae erit prima mensis Julii proxime futuri, feria quarta, & Sabbato indicimus, ad quas Basilicas nos cum omni demissione, & humilitate mentis, & corporis una cum Ven. Fratribus nostris S. R. E. Cardinalibus necnon Patriarchis, Archiepiscopis, atque Episcopis, quos in Romana Curia adesse contigerit, ac Christianorum Regum, & Principum Oratoribus apud nos existentibus, aliisque Praeclatis, atque Officialibus Romanae Curiae, & Magistratibus Populi Romani, universoque Clero, & Populo comitante accedere, dictasque processiones, & supplicationes habere, & celebrare decrevimus. Ut vero divina bonitas optata bona suo populo supplicanti copiosius largiatur, omnes utriusque sexus Christianifideles in Urbe, & in cunctis Orbis Terrarum Regnis, Dominiis, Regionibus, & locis existentes, per viscera misericordiae Dei nostri hortamur, atque obsecramus, ut qui in eadem Urbe dicta hebdomada, vel saltem altera sequente, qui vero extra urbem fuerint, proxima, aut altera item sequente hebdomada, postquam praesentes literae ibi fuerint publicatae, vel si aliquibus in locis ex quavis causa publicatae non fuerint, postquam ad eorum notitiam quocumque modo pervenerint, salutari poenitentiae sacramento ad praeteritas culpas diluendas se praeparant, Deumque orent, ut nos singulari virtutis suae praesidio tueri, & suscepto muneri vires nobis sufficere, Ecclesiae Catholicae fidem longe, lateque propagare, impios haereticorum errores undique evellere, & Hungariae Regnum a Turcarum armis defendere, eique optatam tranquillitatem restituere dignetur. Et ii quidem, qui in eadem Urbe fuerint praedictas Basilicas, sive earum alteram, quam maluerint, qui vero extra Urbem, Ecclesiam, vel Ecclesias per locorum Ordinarios, seu eorum Vicarios, aut Officiales, vel de eorum mandato, & eis deficientibus per eos, qui ibi curam exercent animarum, ui-

mirum postquam praesentes nostrae ibidem fuerint publicatae; ubi vero publicatae non fuerint, postquam ad eorum notitiam pervenerint, Ecclesias similiter, seu Cappellas sive Oratoria, aut alia quaecumque pia loca etiam per solum Confessarium ab ipsis eligendum, singulis eorum deputandas, seu deputanda, quocumque die, vel quibuscumque diebus ejusdem, vel sequentis hebdomadae, saltem semel visitent, & quarta, & sexta feria, & Sabbato ejusdem, vel sequentis hebdomadae jejunent: praeterea pauperibus, & indigentibus personis, aut Ecclesiis vel locis piis elemosynas arbitrio suo erogent, atque intra hoc tempus tam primae, quam secundae hebdomadae alicui Presbytero ab Ordinario loci approbato, peccata sua confiteantur, & Dominica prima vel secunda, vel alio die prioris, vel sequentis hebdomadae die Sanctissimum Eucharistiae Sacramentum devote suscipiant. Qui autem in navigatione, vel itinere fuerint, peracta navigatione, vel itinere confecto, haec omnia ut superius dictum est, faciant, & exequantur. Regularibus vero personis utriusque sexus in claustris perpetuo degentibus, necnon aliis quibuscumque tam saecularibus, quam regularibus in carcere, aut captivitate existentibus, aut aliqua corporis infirmitate, vel alio quocumque impedimento derentis, qui superius expressa, vel eorum aliqua praestare nequiverint, Presbyter Confessarius, ut praemittitur, approbatus, quem elegerint, praedicta omnia, & singula, vel eorum aliqua in alia pietatis opera commutare, vel in aliud proximum tamen tempus prorogare possit, qui etiam aliis Christianifidelibus in eisdem Regnis, Dominiis, Regionibus, & locis existentibus, in quibus praesentes nostrae literae publicatae non fuerint, ea demtaxat injungere valeat, quae ipsi Christianifideles efficere poterunt.

§.3. Quae omnia ut ipsi Christianifideles eo libentius praestare studeant, quo uberius spiritualibus muneribus, & gratiis se refectos esse cognoverint; de omnipotentis Dei misericordia, ac Beatorum Petri, & Pauli Apostolorum ejus auctoritate confisi, ex illa ligandi, ac solvendi potestate, quam Deus nobis licet indignis contulit, Thesauros Ecclesiae copiose aperientes, universis, & singulis Christianifidelibus utriusque sexus praedictis, qui praemissa modo, & forma superius expressis fecerint, & ut supra dictum est, Deum oraverint, plenissimam omnium peccatorum suorum Indulgentiam, veniam, & remissionem, sicut in Anno Jubilei visitantibus certas Ecclesias extra, & intra Urbem concedi consuevit, tenore praesentium, damus, concedimus, & elargimur. Necnon eisdem Christianifidelibus utriusque sexus tam laicis, quam Ecclesiasticis, saecularibus, vel etiam cujusvis Ordinis, & Congregationis, seu instituti regularibus, concedimus, & indulgemus, ut sibi eligere possint quemcumque Presbyterum Confessarium, tam saecularem, quam cujusvis Ordinis vel instituti regularem ex-

Jubilei concessio.

ap-

approbatis tamen ab Ordinariis locorum, qui eos ab omnibus excommunicationis, suspensionis, & interdicti, aliisque Ecclesiasticis sententis, & censuris a jure vel ab homine, quovis modo, & causa latis, seu inflatis, necnon ab omnibus peccatis, excessibus, criminibus, & delictis quantumvis gravibus, & enormibus, etiam in casibus tam locorum Ordinariis, quam Nobis, & Sedi Apostolicae, etiam in literis die Coenae Domini legi consuetis, atque alias, etiam per quaecumque Rom. Pontificum Praedecessorum Nostrorum Constitutiones, quorum tenores praesentibus haberi volumus pro plene, & sufficienter expressis, ac si ad verbum infererentur, quomodocumque reservatis, in foro tantum conscientiae hac vice solum abolvere. Et insuper vota quaecumque (Religionis, & Castitatis exceptis) in alia pia, & salutaria opera commutare, injuncta tamen eis, & eorum cuiuslibet in praedictis omnibus casibus poenitentia salutari, ac aliis ejusdem Confessarii arbitrio injungendis, possit, & valeat.

Jussio illud publicandi.

§.4. Quapropter tenore praesentium mandamus, & in virtute sanctae obedientiae districte praecipimus omnibus, & quibuscumque Ven. Fratribus Patriarchis, Archiepiscopis, Episcopis, & aliis Ecclesiarum Praelatis, & quibusvis Ordinariis locorum, ut cum praesentium literarum transumpta, aut exempla acceperint, illa statim abque ulla mora, retardatione, vel impedimento, aut limitatione per suas Ecclesias, Civitates, Oppida, Terras, Loca, Dioeceses, & Provincias publicent, & evulgent, ac publicari, & evulgari faciant. Clerisque, & Populis sibi subiectis solemnes processiones, & supplicationes indicant, & celebrent. Quod si praemissa omnia, & singula praestare neglexerint, vel ex quavis causa, & praetextu illa exequi praetermiserint, praeter peccatum transgressionis, in quod incurrent, sciant nihilominus praesentes nostras literas, cum ad Christianifidelium notitiam quovis modo, ut supra dictum est, pervenerint, ubique eandem vim, ac robur habituras, ac eisdem Christianifidelibus perinde profuturas, ac si modo, & forma praemissis publicatae, & evulgatae, & solemnes processiones propterea indictae, & celebratae fuissent. Per praesentes autem, super aliqua irregularitate publica, vel occulta, nota, defectu, incapacitate, aut inhabilitate quoquo modo contracta dispensare, vel aliquam facultatem tribuere dispensandi, etiam in foro conscientiae, non intendimus, ac declaramus has ipsas praesentes quoad absolutionem in foro conscientiae, & poenitentiali tantum, non autem in foro fori, seu contentioso consequendam, neque etiam quoad dictum forum conscientiae, qui ab aliquo Judice excommunicati, suspensi, vel interdicti, seu alias in sententias, & censuras incidisse declarati, vel publice denunciati fuerint, nisi intra tempus celebrationis hujusmodi Jubilei satisfecerint, aut cum partibus concordaverint, ullo modo suffragari posse, aut debere.

§.5. Non obstantibus constitutionibus, & ordinationibus Apostolicis, praesentibus quibus absolvendi facultas in certis tunc expressis casibus ita Romano Pontifici pro tempore existenti reservatur, ut nec etiam similes vel dissimiles Jubilei, Indulgentiarum, aut facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon regula nostra de non concedendis Indulgentiis ad instar, ac quorumcumque Ordinum, & Congregationum, sive Institutorum Regularium, juramento, confirmatione Apostolica, vel quavis firmitate alia roboratis statutis, consuetudinibus, privilegiis quoque, indultis, & literis Apostolicis eisdem Ordinibus, & Congregationibus, atque institutis quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, & individua, non autem per clausulas generales idem importantes, mentio, aut expressio habenda, vel quavis alia exquisita forma ad hoc servanda foret, illorum tenores praesentibus pro plene, & sufficienter expressis, ac forma in illis tradita penitus pro servata habentes, has vice specialiter nominatim, & expresse ad effectum praesentium derogamus, ceterisque contrariis quibuscumque.

Clausula derogatoria.

§.6. Volumus autem ut praesentium transumptis, vel exemplis etiam impressis, manu Notarii publici subscriptis, & sigillo persona in dignitate Ecclesiastica constituta munitis, ubique locorum, & gentium eadem prorsus fides habeatur, quae haberetur his ipsis literis, si forent exhibitae vel ostensa.

Transumptum fides.

Datum Romae apud S. Petrum, Anno Incarnationis Dominicae, millesimo sexcentesimo quinto, iv. Kalend. Julii, Pontificatus nostri Anno primo.

D. P. An. 1. die 28. Junii.

I V.

Privilegia Abbreviatorum majoris Praesidentiae literarum Apostolicarum.

Collegij Abbreviatorum institutionem, munus, & privilegia, attendo supra in Martini V. Constit. IV. in Apostolica, To. III. Par. II. fol. 428. Sixti IV. Constit. XIX. Divina, Tom. III. Par. III. fol. 165. ac Leonis X. Constit. XV. Summi ibidem fol. 412.

PAULUS EPISCOPUS

SERVUS SERVORUM DEI

Ad perpetuam rei memoriam.

Romani Pontificis providentia circumspecta libenter intendit, ut personis, quae plus laboris, & obsequii, in ejusdem Pontificis, & Apostolicae Sedis honorem, ac

Exordium.

Cause moti-  
ve hujus Con-  
stitutionis.

ac universalis Ecclesie utilitatem jugiter  
perferre, & impendere non desistunt, am-  
plioribus etiam gratiis, & honoribus, ac  
dignitatum prerogativis decorentur.

§.1. Quapropter dilectos filios litera-  
rum Apostolicarum majoris Præsentie  
Abbreviatores, qui in concessionibus gra-  
tiarum, quas pro tempore ab eisdem Pon-  
tificis benignitate emanare contigit, inter-  
pretandis, dilucidandisque egregias ope-  
ras, quod nos etiam in minoribus constitui-  
dum Abbreviatoris earumdem literarum  
munere fungemur, plurimum annorum  
experimento cognovimus, sollicitis studiis  
navare noscuntur, ut quo specialibus favo-  
ribus, & gratiis se noverint prosequutos, eo  
alacriores ad similia, & in dies majora, pro  
nostro, & Sedis prædictæ incremento per-  
ferenda reddantur, condignis honoribus  
conferre, benevolentiaque nostra per-  
petuum testimonium eis præbere volentes,  
eosdemque Abbreviatores, ac eorum sin-  
gulares personas, a quibusvis excommuni-  
cationis, suspensionis, & interdicti, aliis-  
que Ecclesiasticis sententiis, censuris, &  
penis, a Jure, vel ab homine, quavis occa-  
sione, vel causa latis, si quibus quomodoli-  
bet innodati existunt, ad effectum præsen-  
tium dumtaxat consequendum, harum se-  
rie absolventes, & absolutos fore cen-  
sentes, necnon omnium, & singulorum pri-  
vilegiorum, exemptionum, indulgentiarum,  
& gratiarum tam Abbreviatoribus, quam  
utriusque Signaturæ Romani Pontificis Re-  
ferendiariorum Collegiis, quomodolibet  
concessorum, tenores præsentibus pro ex-  
pressis habentes.

Abbreviato-  
res eo ipso  
utriusque Si-  
gnaturæ Pa-  
pæ Referen-  
darii deputan-  
tur, & per tri-  
ennio Ab-  
breviatores  
esse desinunt.  
Referendarii  
tamen reman-  
ent.

§.2. Motu proprio non ad ipsorum Ab-  
breviatorum, vel alicujus eorum, aut al-  
terius pro eis nobis desuper oblate peti-  
tionis instantiam, sed de Nostris mera  
liberalitate, certa que scientia, ac de Apo-  
stolica potestatis plenitudine eosdem Ab-  
breviatores modernos videlicet ex nunc, si  
nondum sint, futuros vero, si ante eorum  
ad officium Abbreviatorum literarum hu-  
jusmodi receptionem, & admissionem non  
erunt, in Nostra, & pro tempore existentis  
Roman. Pontificis, utraque Signaturæ Re-  
ferendarii ex nunc, prout ex tunc, & è con-  
tra, cum primò ad officium Abbreviato-  
riæ hujusmodi recepti, atque admissi fue-  
rint, & quo ad Signaturam Justitiæ solum  
in illius Præfecti pro tempore existentis  
manibus prævio examine juxta formam  
Constitutionis a fel. record. Sixto Papa V.  
Prædecesore Nostro super reformatione  
Referendiariorum ultimo editæ faciendo,  
juramentum præstiterint, in utriusque Signa-  
turæ hujusmodi Referendarios, quoad vi-  
xerint, etiam Abbreviatores esse desie-  
rint, dummodo in Officio Abbreviatoriæ  
hujusmodi saltem per triennium se exer-  
cuerint, Apostolica auctoritate, tenore  
præsentium creamus, constituimus, & de-  
putamus, ac dilectorum filiorum aliorum  
utriusque Signaturæ hujusmodi Referenda-  
riorum numero, & consortio, favorabiliter  
aggregamus, ac pro veris, indubitatis, &

non fictis utriusque Signaturæ Referenda-  
riis haberi, & reputari volumus, & man-  
damus.

§.3. Ac eisdem Abbreviatoribus, ut  
omnibus privilegiis, exemptionibus, &  
Immunitatibus, libertatibus, prerogativis,  
antelationibus, honoribus, favoribus, In-  
dultis, facultatibus, concessionibus, & gra-  
tiis, tam spiritualibus, quam temporalibus,  
quibus ceteri Referendarii utriusque Signa-  
turæ hujusmodi de jure, Statuto, consuetu-  
dine, seu alias quomodolibet utuntur, po-  
tiantur, fruuntur, & gaudent, ac uti, po-  
tiri, frui, & gaudere possunt, & poterunt  
quomodolibet in futurum, tam in Judicio,  
quam extra, ubicumque locorum, absque  
alia prorsus differentia, non ad illorum  
instar, sed pariformiter, & eque principa-  
liter, in omnibus, & per omnia, perinde,  
ac si illa ipsis Abbreviatoribus, nunc, & pro  
tempore existentibus, eorumque Collegio,  
& personis, specialiter, & expresse per præ-  
sentes literas concessa fuissent, uti, frui,  
potiri, & gaudere.

Privilegia Re-  
ferendariorū  
eis communi-  
cantur.

§.4. Quodque unus ex Abbreviatoribus  
prædictis, qui in receptione, & admissione  
hujusmodi antiquior fuerit, seu eo absente,  
vel impedito, alius ex eisdem Abbreviato-  
ribus ad id ab eorum Collegio hujusmodi,  
seu Cancellariæ Apostolicæ Regente, pro  
tempore deputandus, singulis nostris, ac pro  
tempore existentis Rom. Pontificis Signa-  
turis, nomine hujusmodi Abbreviatorum,  
continuo intervenire, & assistere possit, &  
valeat, auctoritate, & tenore prædictis,  
etiam perpetuo concedimus, & indulge-  
mus.

Unus ex Ab-  
breviatoribus  
locum semper  
habet in Si-  
gnaturæ Pa-  
pæ.

§.5. Præterea singulis Abbreviatoribus  
prædictis, nunc, & pro tempore existentibus,  
nam portionem panis, ex Palatio  
Apostolico dietim habendam, percipiendam,  
& consequendam, quæ æqualis, & prorsus  
conformis existat ei, quam dilecti filii cau-  
sarium dicti Palatii Auditores, ex eodem  
Palatio habere, & percipere consueverunt,  
similiter perpetuo assignamus, & conce-  
dimus.

Portio panis  
singulis con-  
ceditur.

§.6. Decernentes præsentibus literis sem-  
per validas, ac efficaces esse, & fore, neque  
eosdem Abbreviatores, tam præsentibus,  
quam futuris, nec quemquam alium eorum  
nominibus ad illas in Camera Apostolica  
juxta Constitutionem piæ mem. Pii Papæ  
IV. etiam Prædecesoris nostri sub dat. vide-  
licet octavo Kal. Augusti, Pontificatus sui  
Anno sexto editam, qua inter alia cavetur,  
quod quæcumque gratiæ ejusdem Camera  
interesse quomodolibet concernentes, in  
ipsa Camera infra certum tunc expressum  
tempus præsentari, insinuari, & registrari  
debeant, alioquin nullius roboris, vel mo-  
menti existant, præsentandum, insinuan-  
dum, & registrari faciendum, minime te-  
neri, nec ad id ulla unquam ratione, vel ne-  
cessitate cogi posse, neque propterea easdem  
præsentibus viribus carere, sed Abbreviato-  
ribus prædictis, eorumque singulis in  
omnibus, & per omnia, perinde, ac si juxta  
Constitutionem Pii Prædecesoris hujusmodi  
præ-

Præsentibus non  
indigent regi-  
stro.

Clausula.

præsentatæ, insinuatæ, & registratæ, omnia-  
que alia ad id necessaria plene adimpleta  
fuisse suffragari.

§.7. Sicque per nostros S. R. E. Vice-  
Cancellarium, & Camerarium, necnon  
utriusque Signaturæ hujusmodi, ac etiam  
nostræ, & pro tempore existent. Rom. Pon-  
tificis Domus Præfectos, dictaque Camera  
Thesaurarium, Clericos, Præfidentes, Com-  
missarium generalem dilectos filios, alios-  
que Ministros, pro tempore existentes,  
necnon quoscumque Judices, Commissarios,  
& delegatos, quavis auctoritate surgentes,  
etiam causarum Palatii, & generalem Cam-  
eræ hujusmodi Auditores, necnon ejus-  
dem Romanæ Ecclesie Cardinales, sublata  
eis, & eorum cuilibet, quavis aliter judi-  
candi, & interpretandi facultate, & aucto-  
ritate, judicari, & definiti debere: ir-  
ritum quoque, & inane quicquid secus  
super his a quoquam quavis auctoritate,  
scilicet, vel ignoranter contigerit atten-  
tari.

Exequutoriū  
designatio.

§.8. Mandantes in virtute Sanctæ Obe-  
dientiæ Camerario, Thesaurario, Clericis,  
Præfidentibus, & Commissario prædictis,  
eorumque singulis, quatenus easdem præ-  
sentes, si desuper requisiti fuerint, in dicta  
Camera admittant, & in illius libris describi,  
& registrari, ac debite executioni deman-  
dari, patentisque literas, & scripturas, ac  
mandata opportuna desuper expediri. Non  
permittentes ipsos, vel eorum quempiam de-  
super per quoscumque contra eorumdem  
præsentium tenorem, quomodolibet inde-  
bite molestari, impediri, aut inquietari.  
Necnon tam illis, quam Vice-Cancellario,  
Camerario, Præfectis, & Auditoribus præ-  
dictis, ut ipsi per se vel alium, seu alios,  
eisdem Abbreviatoribus in præmissis effica-  
cis defensionis præsidio assistentes faciant,  
præsentibus literis hujusmodi, ac in eis con-  
tenta quæcumque ab omnibus, & singulis  
ad quos spectat, ac pro tempore spectabit,  
inviolabiliter observari, ipsosque Abbre-  
viatores illis omnibus, & singulis, eorumque  
usu, & commodo pacifice frui, & gaudere:  
Contradictores, & rebelles quoslibet per  
sententias, censuras, & poenas Ecclesiasticas,  
auctoritate nostra prædicta, appellatione  
postposita compescendo, legitimeque super  
his habendis, servatis processibus, easdem  
sententias, censuras, & poenas, etiam  
iteratis vicibus aggravando, invocato ad  
hoc, si opus fuerit, brachii secularis au-  
xilio.

Derogatio  
contrariorū

§.9. Non obstantibus præmissis, ac Pii,  
& Sixti Prædecesorum hujusmodi, necnon  
quatenus opus sit, de rebus Ecclesie non  
alienan., aliisque Constitutionibus, & Or-  
dinationibus Apostolicis, necnon Camera  
Urbis, & Palatii prædictorum, etiam ju-  
ramento, confirmatione Apostolica, vel  
quavis firmitate alia roboratis, statutis, &  
consuetudinibus, usibus, decretis, & re-  
formationibus, privilegiis quoque, indultis,  
& literis Apostolicis, illis, eorumque Offi-  
cialibus, & Ministris, ceterisque personis,  
jus, & interesse in præmissis, vel circa ea,

aut eorum aliqua, nunc, & pro tempore  
quomodolibet habentibus, & prætendenti-  
bus, per prædictos, & quoscumque alios  
Rom. Pontifices Prædecesores nostros, ac  
etiam nos, Sedemque, & Cameram præ-  
dictas, sub quibuscumque tenoribus, & for-  
mis, ac cum quibusvis etiam derogatoria-  
rum derogatoriis, aliisque efficacioribus,  
& insolitis clausulis, necnon irritantibus,  
& aliis decretis, etiam vim contractus tite,  
& legitime stipulati habentibus, seu indu-  
centibus, etiam Motu, scientia, & potesta-  
tis plenitudine similibus, etiam consistoria-  
liter, & alias quomodolibet concessis, con-  
firmatis, & innovatis. Quibus omnibus,  
etiam si de illis, eorumque totis tenoribus,  
specialis, specifica, expressa, & individua,  
ac de verbo ad verbum, non autem per clau-  
sulas generales idem importantes, mentio,  
seu quævis alia expressio habenda, aut aliqua  
alia exquisita forma ad hoc servanda foret,  
tenores hujusmodi, ac de verbo ad ver-  
bum, nihil penitus omisso, & forma in illis  
tradita, & observata inferti forent, præ-  
sentibus pro expressis habentes, illis alias in  
suo robore permanens, hac vice dumtaxat  
harum serie specialiter, & expresse derogamus,  
ceterisque contrariis quibuscumque.  
Aut si aliquibus communiter, aut divisim  
ab eadem sit Sede indultum, quod interdicti,  
suspendi, vel excommunicari non possint  
per literas Apostolicas, non facientes ple-  
nam, & expressam, ac de verbo ad verbum  
de indulto hujusmodi mentionem.

§.10. Volumus autem, quod eorumdem  
præsentium transumptis, seu exemplis,  
etiam impressis, manu alicujus Notarii pu-  
blici subscriptis, & sigillo prædicti Vice-Can-  
cellarii, seu Regentis, aut alterius persone  
in dignitate Ecclesiastica constitutæ, vel  
Romanæ Curie Prælati munitis, eadem  
prorsus fides tam in Judicio, quam extra,  
ubique adhibeatur, quæ ipsis originalibus  
adhiberetur, si forent exhibitæ vel offensa.

Fides transu-  
mptorum.

§.11. Nulli ergo omnino hominum li-  
ceat hanc paginam &c. Siquis autem hoc at-  
tentare &c.

Sanctio pen-  
alis.

Datum Romæ apud S. Petrum, Anno  
Incarnationis Dominicæ millesimo sexcen-  
tesimo quinto, Kalen. Julii, Pontificatus  
nostri Anno I.

Dat. die 1.  
Julii 1605.  
An.I.